

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 22.01.2019թ. թիվ 1909022579 որոշումն անփոփոխ, իսկ վարչական բողոքն առանց բավարարման թողնելու մասին

<<14>> 02 2019թ. 17-13 11578-19/17-13 760

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Լյովա Բաբայանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Արմավիրի մարզի Վաղարշապատ քաղաքի Արարատյան փողոցի 34Ա շենքի 30 բնակարանի բնակիչ Լյովա Բաբայանը դիմումով խնդրել է անվավեր ճանաչել Ճանապարհային ոստիկանության վարչական տույժ նշանակելու մասին 22.01.2019թ. թիվ 1909022579 որոշումը՝ նշելով, որ կանգառ կատարելու կանոնները խախտել է հարկադրված՝ կապված իր առողջական վիճակի վատացման հետ:

Դիմումի քննարկման արդյունքում պարզվել է, որ դիմումատուի փաստարկը վարչական ակտը բեկանելու հիմք չի կարող հանդիսանալ՝ հետևյալ պատճառաբանությամբ.

<<Վարչարարության հիմունքների և վարչական վարույթի մասին>> օրենքի 43-րդ հոդվածի 3-րդ մասի համաձայն, եթե նույն հոդվածի 1-ին մասի «բ» կետով նախատեսված դեպքում վարչական մարմնի կողմից քննարկվող փաստական հանգամանքների վերաբերյալ տվյալներին (տեղեկություններին) վարչական մարմինը կարող է իրազեկ դառնալ բացառապես տվյալ անձի միջոցով, ապա ապացուցման պարտականությունը դրվում է այդ անձի վրա:

Տվյալ դեպքում դիմումատուի համար որպես բարենպաստ փաստական հանգամանք կարող էր դիտվել իրավախախտումը ծայրահեղ անհրաժեշտության վիճակում կատարած լինելը, որի ապացուցման պարտավորությունը կրում է նա, սակայն, չի ներկայացրել որևէ ապացույց:

Հարկ է նշել, որ ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 22-րդ կետի 2-րդ ենթակետի համաձայն՝ <<Վթարային լուսային ազդանշանը պետք է միացված լինի՝ կանգառն արգելված տեղերում հարկադրված կանգառի դեպքում>>, իսկ նույն որոշման 23-րդ կետի 2-րդ ենթակետի համաձայն՝ <<Վթարային լուսային ազդանշանը միացնելուց հետո (ինչպես նաև, երբ այն անսարք է կամ բացակայում է) անհապաղ պետք է տեղադրվի՝ «Վթարային կանգառ» ճանաչման նշանը (թարթող կարմիր լապտերիկ)՝ կանգառն արգելված տեղերում հարկադրված կանգառի դեպքում>>: ՀՀ կառավարության նույն որոշման 2-րդ հավելվածի <<Տրանսպորտային միջոցների շահագործումն արգելող անսարքությունների և պայմանների ցանկը>> բաժնի 6-րդ կետի 9-րդ մասի <<ա>> կետի համաձայն՝ <<Տրանսպորտային միջոցի այլ անսարքություններն ու պայմաններն են՝ բացակայում են բժշկական դեղատուփը, կրակմարիչը, վթարային կանգառի նշանը (թարթող կարմիր լապտերիկ)՝ ավտոբուսներում, թեթև մարդատար և բեռնատար ավտոմոբիլներում ու անվավոր տրակտորներում>>, ուստի այս կանոնները չպահպանելը բացառում է դիմումատուի կողմից կատարված արարքը հարկադրված կանգառ կատարելու հիմքերը:

Իրավախախտումն ամրագրած տեսանյութը փաստում է, որ դիմումատուի կողմից խախտվել է վերը նշված նորմերի պահանջները, ուստի իրավախախտումը ծայրահեղ անհրաժեշտության վիճակում կատարած լինելու վերաբերյալ ապացույցներ չներկայացնելու հետ զուգորդմամբ, հնարավորություն չի ընձեռում արժանահավատ համարել վերջինիս պնդումները:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 22.01.2019թ. թիվ 1909022579 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Լյովա Բաբայանին:

Կատարող՝ Ա. Միրզոյան



Ե. Կարապետյան